

范石湖詩集注

范石湖詩集注卷上

吳 沈欽韓 文起

卷一

不寐

來夢乃其職 大業拾遺錄煬帝命宮娥韓俊娥爲來夢
兒

續長恨歌七首

白鳳詔書來已暮 此暗用白鳳銜書諭楊太真事見瀟
湘錄

領巾猶有隔生香 西陽雜俎天寶末交趾貢龍腦時風
吹貴妃領巾於賀懷智巾上良久方落賀懷智歸覺滿
身香氣非常乃卸幞頭貯於錦囊中及上皇復宮闕追
思貴妃不已懷智乃進所貯幞頭具奏他日事上皇發
囊泣曰此瑞龍腦香也

已被仙官聖得知 昌黎集盆池詩云泥盆淺小詎成池
夜半蛙聲聖得知此聖得知最初見之本也

百年只有雲容姊 張雲容事見太平廣記六十九
雷雨鄰舍起龍

不知挂壁幾梭飛
晉書陶侃傳

嘲里人新婚

筌篹細寫歸舟字
逸史盧生引李生入北亭命酌日兼
與公求得佐酒者頗善筌篹須臾紅燭引一女子至容
色極豔李生視筌篹上有朱字一行云天際識歸舟雲
中辨江樹罷酒二舅曰莫願此人作婚姻否李生曰某
安敢其年往汴州行軍陸長源以女嫁之既婚頗類盧
二舅北亭子所覩者復解筌篹果有朱書天際兩句李
生具說揚州城南盧二舅亭中筵宴事妻曰乍夢見使

者云仙官追一一如公所言也

過松江

劒頭吹一呖 莊子則陽篇夫吹竽也猶有噤也吹劒首者呖而已司馬云呖然如風過

長安聞 方輿紀要長安鎮在杭州府海甯縣西北二十五里宋運道所經

兩木

當有四老人 橘中叟事見玄怪錄太平廣記卷四十引道中 此題脫字

初夏二首

不見餘春只麼回 傳鐙錄證道歌不可得中只麼得

與時敘現老納涼池上時敘誦新詞甚工

頃步便得之 頃當作顚見荀子勸學篇楊倞注半步曰

顚與跬同

潘郎忽鼎來談詩解人頤 此鼎字用顏師古臆說言方

來也

南徐道中 輿地紀勝鎮江府晉元帝渡江於京口僑置

徐兗二州宋文帝以南徐州治京口南兗州治廣陵

卷二

曉行

石頭岡下小車聲 輿地紀勝石子岡寰宇記云在江甯

縣南十五里

秦淮 秦始皇所開故曰秦淮在江甯府上元縣治東南

三里

船頭終日見方山 明一統志方山在應天府東南四十
五里形如方印一名天印山秦鑿金陵山疏淮水出焉
斷處也

重九獨登賞心亭

輿地紀勝賞心亭在江甯縣西下水

門城上丁謂建江南通志宋景定元年馬光祖重建改

曰東南佳麗樓

荆公墓

一統志王安石墓在上元縣半山寺後

白鷺亭

明一統志白鷺亭在賞心亭側下瞰白鷺洲宋

馬光祖重建

臙脂井三首

一統志景陽井在臺城內一名臙脂井通

志在上元縣景陽樓下

腰支旅拒更神游

旅距字見後漢書馬援傳又莊子列

禦寇篇一命而呂鉅釋文呂鉅矯貌

三十六書都莫恨 大業拾遺錄煬帝夢見陳後主語云
三十六封書使人恨恨前人莫解何謂蓋隋兵渡江警
書爲張貴妃所沈閣者

秦淮

雨工戀故樓 異聞集柳毅置書囊中復問婦人曰吾不
知子之牧羊何所用女曰非羊也雨工也雷霆之類
次韻唐子光教授河豚 政和本艸鰾魚肝及子有大毒
一名鰾夷魚以物觸之卽嗔腹如氣球亦名嗔魚腹白

背有赤道如印魚目得合與諸魚不同江海中並有之
海中者大毒江中者次之按此卽河豚也然政和又並
出鯀鯀魚之有毒不可食其肝殺人緣腹中無膽頭中
無腮故知害人鯀卽鯀聲之轉其實一物而複出也西
陽雜俎鯀鯀魚肝與子俱毒食此魚必食艾艾能已其
毒曰華子胡夷魚有毒以蘆根及橄欖等解之

姑惡 政和本艸姑獲能收人魂魄今人一云乳母鳥言
產婦死變化作之此則妖鳥疑非詩所指蓋卽布穀鳥
哭音不審訛爲姑惡爾

秋日雜興六首

參戶勸之起 莊子知北游參戶而入司馬云開也

卷三

暮春上塘道中 方輿紀要上塘河在杭州府城東自永

昌門外至艮山門又東北經臨平鎮東達海甯縣之長

安壩

獨游虎跑泉小庵 輿地紀勝虎跑泉在臨安府廣福金

書院二虎跑地泉水湧出

續仁翁

鄭泉字文淵見吳志孫權傳

癸亥日泊舟吳會亭輿地紀勝世多稱吳門爲吳會

謂吳爲東南一都會也吳本秦會稽郡後漢分爲吳會稽二郡後世指二浙之地通稱吳會謂吳與會稽也

時敘火後意不釋然作詩解之

舞馬竟與融風俱昭十八年傳是爲融風火之始也

題湯致遠運使所藏隆師四圖揮麈三錄湯致遠名鵬

舉嘗守婺州帥長沙又移帥浙東

題開元天寶遺事四首

御前羯鼓透春空 南卓羯鼓錄汝陽王璵甯王子也常
戴研絹帽打曲上自摘紅槿花一朶置于帽簷奏舞山
香一曲而花不墜落上大喜曰花奴姿質明瑩肌髮光
細非人間人必神仙謫墮也甯王謙讓隨而短斥之上
笑曰大哥不須過慮阿瞞自是相師花奴但端秀過人
無帝王之相固無猜也又高力士遣取羯鼓上臨軒縱
擊一曲曲名春光好及顧柳杏皆已發圻上笑謂嬪御
曰此一事不喚我作天公可乎

不賞纏頭三百萬阿姨何處費金錢 樂史楊太真外傳

新豐初進女伶謝阿蠻善舞秦國夫人端坐觀之曲罷
上戲曰阿瞞樂籍今日幸得供養夫人請一纏頭秦國
曰豈有大唐天子阿姨無錢用耶遂出三百萬爲一局
焉

阿瞞虛讀相書來 柳氏舊聞云安祿山來朝上於殿西
張金雞幃賜坐肅宗曰天子殿無人臣坐禮上曰此胡
有奇相吾以此厭弭之爾

宮中亦有風流陣 開元天寶遺事明皇與貴妃每至酒
酣使妃子統宮妓百餘人帝統小中貴百餘人排兩陣

於掖庭中目爲風流陣

讀甘露遺事二首

上林輦路草青青誰向憑高識聖情
唐詩紀事甘露事
後帝不樂往往瞠目獨語賦詩曰輦路生春草上林花
滿枝憑高無限意無復侍臣知

放鶴亭

輿地紀勝放鶴亭在吳縣天峰寺之南峰晉高

僧支遁嘗居此有石室及支硎山

馬跡石

在吳縣西報恩山

卷四

歲旱邑人禱弟五羅漢得雨樂先生有詩次韻 東坡集

禪月所畫十八大阿羅漢贊弟五諸炬羅尊者

烏戌密印寺 輿地紀勝密印寺在烏鎮普靜寺側梁昭明太子之館也沈約展墓昭明太子館于此約捨墓地爲寺昭明以此館別爲一寺

題張氏新亭

煩將鍊火炊香飯 康駢劇談錄乾符中有李使君出牧罷歸居在洛陽深感一貴家舊恩欲召諸子從容諸子曰凡以炭炊饌先煖令熟謂之鍊炭方可入爨不然猶

有煙氣李使君宅炭不經鍊是以難食

晚入盤門

府志吳地記舊作蟠改字爲盤又云嘗有龍

潛伏於此以鼓杖擊逐之卽今五樓門是也圖經續記以嘗刻蟠龍之狀或曰水陸相半沿河屈曲故謂之盤寄贈致遠并呈現老

祇愁盧李分攜後別有篴篴一曲春 卽逸史李生盧二舅于北亭召女子彈篴篴見卷一注

雪霽獨登南樓

黃帽亭亭一水橫

黃帽見鄧通傳注本謂刺船郎今作

船用東坡詩映山黃帽螭頭舫

題金牛洞 一統志雲山在甯國府宣城縣東北七十里

下有金牛洞

曉自銀林至東壩登舟寄宣城親戚 景定建康志銀林

塘在深水東南百里長十二里自銀林稍東曰分水堰
長十五里又東五里曰苦李堰長八里又五里曰何家
堰長十里所謂魯陽五堰也按今統名曰東壩

讀唐太宗紀

卻於何處極兵威 一門之內自極兵威梁元帝語

卷五

復自姑蘇過宛陵至鄧步出陸一統志廣通鎮巡司在
高淳縣東卽宋鄧步鎮也建康志鄧步鎮在溧水縣南
百二十里

花山村舍一統志花山在高淳縣東南四十里山最高
上產白牡丹故名

周德萬攜孥赴龍舒法曹道過水陽相見留別女弟宣
城縣志水陽鎮在縣東北七十里臨大溪上溪北與江
甯府高淳縣接界通志水陽鎮在高淳縣西南二十里

臨水陽湖

行唐村平野晴色妍甚 江南通志南唐市在高淳縣南

十里

桐川郡圃梅極盛皆圍抱高木浙中無有 今慶德州名
桐川郡輿地紀勝廣德軍有桐川堂在郡圃名勝志郡
圃有古梅一株枝柯蟠屈姿態奇古太守趙希仁嘗圖
以獻

自甯國溪行至宣城舟人云凡百八十灘 方輿紀要句
溪在甯國府東三里其上流卽甯國縣之東西二溪合

諸溪澗水西北流入境迴環幾二百里至城東五里謂之東溪又西流三里爲句溪

次韻子文探梅水西春已深猶未開水西謂歙溪而黃君謨州學記云頻江地卑蓋此水爲浙之源正可謂之江也一統志水西山在涇縣西南五里高二百餘丈林壑邃密下臨賞溪循溪而入有塢曰水西坑巖幽勝相傳唐宣宗嘗游此有詩云長安若問江南好報道風光在水西後人爲建風光閣方輿紀要浙溪在歙縣西南百十里源出婺源縣之浙嶺東北流至縣西七十里江

潭又東流百餘里至率口而會於率水亦名漸溪水經所謂漸江者也又東流數十里至浦口會練溪諸水而爲新安江此浙江之源也

曉出古巖呈宗偉子文 方輿紀要萬安縣在歙縣東七里隋大業末汪華移郡治於此今名古城巖又通志古巖在府西二十五里寒山里巖有石洞其上丹崖層峙鸞飛鶴立稜稜露石骨有巖橫亘形如覆屋唐會昌中建古巖院名僧相繼出焉

次韻慶充避暑水西寺 一統志寶勝寺在涇縣西五里

舊名水西寺

送滕子昭績溪罷歸

績溪縣在徽州府東北十六里

卷六

再韻答子文

百年子莫占元緒

老桑呼龜爲元緒見劉敬叔異苑

次韻溫伯種蘭

悽愴肘生柳

莊子至樂篇支離叔與滑介叔觀於冥伯

之邱俄而柳生其左肘

雪後守之家梅未開呈宗偉

一笑如河清 宋史包拯傳人言其笑比黃河清

胡宗偉罷官改秩舉將不及格往謁金陵丹陽諸使者遂
朝行在頗有倦游之歎作詩送之 宋制選人以官滿
擢京職者須舉主五人乃及格

煙屏百疊雙流橫原注宣城疊嶂樓雙溪閣 輿地紀勝
疊嶂樓在甯國府治唐咸通中刺史獨孤霖建雙溪閣
在府治取宛句二水以爲名

濃黛兩抹長眉青原注當塗蛾眉亭望東西梁山如雙眉
輿地紀勝有郭祥正采石蛾眉亭詩

題漫齋壁

漢陰無械可容機

莊子天地篇漢陰丈人曰有機械者

必有機事

五鬼從教乙丑歸

五鬼用昌黎送窮文

卷七

新館

方輿紀要新館鎮在徽州府東三十里名勝志宋

置官榷酒之所

臨溪寺

江南通志臨溪渡在休甯縣二十六都又有臨

溪市在績溪南二十里未詳孰是

竹下 輿地紀勝黃竹嶺在休甯縣西一百六十一里地
當阨塞嘗置巡司

清逸江 清逸當作青弋方輿紀要青弋江在甯國府南
陵縣東三十里自涇縣賞溪會眾流入縣界

隱靜山 輿地紀勝甯國府仙釋門杯渡著屐登山以錫
擲空至五峯而止遂留居今隱靜山卽其處也

新嶺 方輿紀要新嶺在徽州府休甯縣西南七十里
惟憂三溪阻 三溪卽新安江

送通守趙積中朝議請祠歸天台

城下灘流三百曲 紀要云新安江中有灘三百六十

道子教授奉祠諸生率余祖席如意院

伯陽有道來重趼 南榮越重趼西見老聃見莊子庚桑

楚篇趼讀同繭

禦寇他年憶解顏 列子黃帝篇列子師老商氏五年之

後夫子始一解顏而笑

淳安 輿地紀勝淳安縣在嚴州西一百六十里

但從歙浦過桐江 輿地紀勝桐江晏公口類要云在桐

廬北三里源出天目山卽桐廬江也

釣臺 一統志釣臺在嚴州府桐廬縣西富春山

桐廬 輿地紀勝桐廬在嚴州北一百五里

昌化原注雙溪館絕景也 一統志舊志上溪在杭州府

昌化縣西北六十里東流至縣西十七里爲巨溪又東南至縣西七里爲晚溪徑縣南爲雙溪中有洲水分南北過此復合爲一咸淳臨安志雙溪在昌化縣前一百十步徐冠新亭記略云縣治之前溪分南北流舊有雙溪館熙甯間縣令陸元長臨北流爲亭東坡經游亭上題詩紀事有雙澗響空之語

百丈山原注去王千嶺尙六十里 舊志百丈山在昌化
縣西三十里延袤二十里高一千五百丈 一統志王
千寨巡司在歙縣東百二十里昱嶺東至昌化縣九十
里

昱嶺 在歙縣東南百二十里接杭州昌化縣界通志山
谷閒無跬步夷曠宋岳飛開道由三嶺出遂爲康莊
龍學尙書新安侯羅公輓詞二首 宋史羅汝楫傳爲殿
中侍御史與中丞何鑄交章論岳飛謂死有餘罪遷吏
部尙書除龍圖閣學出知嚴州秩滿請祠居喪未終而

卒

風月堂原注章倅新作淇守名而記之 新安志淇遁以

秘書監紹興二十八年任徽州

祁門 輿地紀勝路公溪唐地理志云祁門西南十里有

閭門灘善覆舟令路公開斗門以平其險號路公溪後
斗門廢咸通中令陳甘節以俸募民穴石因山脈爲渠
舟行乃安

靈山口 輿地紀勝靈山在歙縣北二十里山生香草名
靈香上有靈壇人射獵有犯之者終無所獲一統志英

范注上

五

蓉嶺在婺源縣東八十五里一名靈山山巔爲芙蓉峰
與對鏡嶺羊鬬嶺塔嶺及休甯新嶺稱五嶺爲通府險
道

浮梁 輿地紀勝浮梁縣在饒州東北一百五十里

卷八

寄上鄮句之明日舟次梅口南枝已有春意復次知府秘
書贈行高韻 輿地紀勝梅嶺在嚴州壽昌縣南四十
里

次諸葛伯山贍軍贈別韻 山堂考索今之酒課沿荆襄

而下至於兩浙其額重矣在城府有都酒庫又有贍軍
庫食貨志紹興七年行在置贍軍酒庫十五年弛四川
夔路酒禁以南北十一庫並充贍軍激賞酒庫蓋宋時
官自賣酒收其錢於庫因立名爲帥守贍給軍士之用
客中呈幼度

昨夜鐙花綴玉蟲 帳裏排金粟釵頭綴玉蟲韓昌黎詩
也

鎮東行送湯丞相帥紹興 宋史湯思退傳紹興二十九
年進左僕射明年侍御史陳俊卿論其挾巧詐之心濟

傾邪之術觀其所爲多效秦檜蓋思退致身皆檜父子
恩也遂以觀文殿大學士奉祠隆興元年符離師潰召
思退復相思退陰謀去張浚浚罷政復密令孫道諭敵
以重兵脅和言者極論思退急和徹備之罪遂罷相尋
責居永州太學生張觀等七十二人上書論思退等姦
邪誤國招致敵人請斬之思退憂悸死按史不載其帥
紹興事老學庵筆記湯岐公自行宮留守出守會稽朝
士以詩送行者甚眾

中秋無月復次韻

凌空累筋仙無術 張讀宣室志唐太和中周生者以
道術濟吳楚方中秋命以簪數百呼其僮繩而架之曰
我將梯此取月去閉戶久之呼曰至矣其衣中出月寸
許一室盡明其外昏翳

公辨用前韻見贈復次韻

氣壓明堂一柱蒿 大戴記盛德篇周德澤洽和蒿茂大
以爲宮柱名曰蒿室

林夫人輓詞原注黃中之妹 黃中兵部侍郎林栗也

李仲鎮懶窩

訪道亦重趼 莊子天道篇士成綺見老子而問曰吾聞
夫子聖人也吾固不辭遠道而來百舍重趼而不敢息
次韻陳季陵寺丞求歙石眉子硯 宋詩紀事陳天麟字
季陵宣城人紹興十八年進士累官集賢殿修撰有櫻
甯居士集

次韻周子充正字館中緋碧兩桃花 宋史周必大字子
充紹興二十年第進士召試館職高宗讀其策曰掌制
手也守秘書省正字老學庵筆記館職常苦俸薄而吏
人食錢甚厚周子充作正字時常戲曰豈所謂省官不

如省吏耶都下舊謂館職爲省官故云

雨中報謁呈劉韶美侍郎 宋史劉儀鳳字韻美紹興二年進士第乾道元年遷兵部侍郎兼侍講儀鳳在朝十年每歸卽匿其車騎扃其門戶客至無親疏皆不得見政府累一月始上謁人尤稱其傲

送洪景廬內翰使虜二首 宋史洪邁字景廬皓季子也次韵子文客舍小樓

散盡生涯千答布 見史記貨殖傳

次韵劉韶美大風雨壞門屋

湘縹如山畫掩關 本傳云奉入半以儲書凡萬餘卷國
史錄無遺者御史張之綱論儀鳳錄四庫書以傳私室
遂斥歸蜀此詩故有湘縹如山之句庚溪詩話劉朝美
酷嗜書喜傳錄又置副本親自讎校至杜門絕交張持
國之綱爲副端言其書癖至曠廢職事以是罷歸蜀關
壽卿以詩贈行云祇因翻故紙不覺墮危機

送汪聖錫侍郎帥福唐 宋史汪應辰字聖錫信州玉山
人紹興五年進士第一人年甫十八孝宗時以權戶部
侍郎知福州韓滄澗泉日記云汪聖錫在福唐時

李愿中按福州府福清縣唐析長樂縣地置萬安縣天寶初改曰福唐後唐長興四年又改曰福清稱福州曰福唐蓋宋時俗稱校澗泉日記者不知福唐之卽福州注爲恐誤何其淺陋也

卷九

次韵尹少稷察院九宮壇齋宿 宋史尹穡字少稷建炎中興自北歸南孝宗獎用西北之士除穡監察御史劾張浚主和議與湯思退等相繼廢黜老學庵筆記尹少稷強記日能誦麻沙板本書厚一寸

冬詞太乙六言四首 王象之輿地紀勝太乙宮九宮貴

神太乙其一也中興會要云紹興十七年作太乙宮臨
安志云在新橋之南

次韵李子永雪中長句 宋詩紀事李泳字子永號蘭澤

廬陵人淳熙中嘗爲溧水令又爲阮墅司幹官與兄洪

漳弟浙沔著李氏花萼集

但憶鳴哮如餓鴟 梁書曹景宗語

次韵胡邦衡祕監 宋史胡銓字邦衡高宗時除樞密院

編修官紹興八年秦檜決策主和金使以招諭江南爲

名銓抗疏請斬王倫秦檜孫近除名編管新州移吉陽
軍孝宗卽位復奉議隆興元年遷祕書監

晝錦行送陳福公判信州 宋史陳康伯字長卿信州弋

陽人紹興三十一年拜光祿大夫尙書左僕射孝宗卽
位兼樞密使隆興元年以太保觀文殿大學士福國公
判信州

送張真甫中書奉祠歸蜀 老學庵筆記張真甫舍人廣

漢人爲成都帥蓋本朝得蜀以來所未有也真甫名震
送周子充左史奉祠歸廬陵 宋史周必大傳孝宗踐祚

除起居郎權給事中曾覲龍大淵得幸臺諫交彈之並
遷知閣門事必大與金安節不書黃且奏曰陛下於政
府侍從欲罷則罷欲貶則貶獨於二人委曲遷就恐人
言紛紛未止也明日宣手詔謂給舍爲人鼓扇太上時
小事安敢爾必大入謝曰審爾則是臣不以事太上者
事陛下退待罪上曰朕知卿舉職但欲破朋黨明紀綱
耳旬日申前命必大格不行遂請祠去

送陳天予大監同年使閩 宋史陳良祐字天與紹興二
十四年擢進士第累遷軍器監隆興元年出爲福建路

轉運副使與公爲同年進士

送陸務觀編修監鎮江郡歸會稽待闕 陸游傳孝宗卽
位遷樞密院編修官時龍大淵曾覲用事游爲樞臣張
燾言覲大淵招權植黨熒惑聖聰及今不言異時將不
可去燾遽以聞上詰語所自來燾以游對上怒出通判
建康府尋易隆興府言者論游交結臺諫鼓唱是非力
說張浚用兵免歸詩蓋作於其時

送吳元茂丞浦江

始覺丞哉果負予

用昌黎藍田縣丞廳壁記

與正夫朋元游陳侍御園

沙際春風捲物華 捲宋詩鈔作轉是

韓無咎檢詳出示所賦陳季陵戶部巫山圖詩 宋詩紀

事韓元吉字无咎號南澗許昌人維四世孫

次韻樂先生吳中見寄八首

懶不看書似姓邊 邊韶

卷十

王季海祕監再賦成園復次韻 宋史王淮字季海紹興

十五年進士第自右正言除祕書少監

次韻李子永梅村散策圖

三生應是主林神 主林神見華嚴經

太師陳文恭公輓詞 陳康伯傳乾道元年薨於相位年六十有九贈太師謚文恭慶元初配享孝宗廟庭改謚文正老學庵筆記陳魯公薨以其遭際龍飛又薨於位與王岐公同於是詔用岐公元豐末贈典超贈太師其他恩數皆視岐公猶可也及其家請謚遂特賜謚曰文恭亦用岐公謚用他人之謚以爲恩數自古烏有此事哉

第二首 前四句指完顏亮南寇斃於瓜洲事紹興三十一年金人敗盟犯廬州王權敗歸中外震駭朝臣有遣家豫避者康伯獨具舟迎家入浙請下詔親征以葉義問督江淮軍虞允文參謀軍事允文尋敗敵於采石金主亮爲其臣下所殺 舊五代史契丹傳德光北還次於欒城縣殺虎林之側時德光已得寒熱疾數日有大星落於穹廬之前三月二十一日卒契丹人破其腹摘去腸胃以鹽沃之載而北去漢人目之爲帝羆

第三首 此指光堯內禪事高宗倦勤有與子意康伯密

贊大議乞先正名遂草立大詔以進及行內禪禮以康伯奉册孝宗卽位以病祈去

第四首 時北兵再犯淮甸人情驚駭皆望康伯復相上出手札遣使卽家居召之親故謂康伯實病宜辭康伯曰不然吾大臣也今國危當興疾就道敵師退卽丐歸章屢上不許一日出殿門喘劇輿至第薨

太保節使趙公挽詞密 宋史趙密傳太原清河人政和四年用材武試崇政殿授河北隊將積功至崇信軍節度使轉太尉領殿前都指揮使乾道元年九月致仕卒

年七十一贈少傅此云太保蓋史之誤

題徑山寺樓 輿地紀勝徑山寺在臨安縣北五十里有
寺曰能仁禪院五峰周抱中有平地唐代宗時有鳬山
朱氏子祝髮曰法欽至徑山結庵代宗召赴闕賜號國
一禪師

太傅楊和王挽歌詞二首 宋史楊存中本名沂中紹興
二年進士神武中軍統制六年十月與劉猷戰於藕塘
大敗之帝謂宰執曰卿輩始知朕得人除保成軍節度
使殿前都虞侯尋兼領馬步帥十一年與金人戰於柘

泉賊之三十一
年罷爲太傅醴泉觀使進封同安郡王
乾道二年卒年六十五以太師致仕追封和
王諡武恭少卿直閣鄭公挽歌詞

恭老

揮麈三錄鄭恭老作肅甲

戊歲

紹興廿四年

自知吉州回上殿劄子云郡中每歲以黃

河竹索錢輸於官黃河久陷僞境錢歸何所乞行蠲免
其他循襲似此等者亦乞盡除放高宗嘉納且諭秦示
相而稱獎再三焉秦大怒諷部使者誣以在任不法興
大獄逮吏及門而秦殂遂免

壽相空壬甲

魏志管輅傳背無三甲腹無三壬皆不壽

之徵

行年竟巳辰 後漢書鄭玄傳夢孔子告之曰起起今年
歲在辰來年歲在巳既寤以讖合之知命當終

提刑察院王丈挽詞 中吳紀聞王葆字彥光崑山人擢
宣和甲辰第紹興中除監察御史出知漢移浙東提刑
歸鄉卒其學長於春秋著集傳十五卷備兩卷盧熊蘇
州府志范成大早孤廢業葆喻勉切至留之席下程課
甚嚴

子舍得韋經 夷堅丙志王彥光御史之子嘉賓字仲賢

淳熙十二年監左藏封樞庫

卷十一

次韻馬少伊郁舜舉寄示同游石湖詩卷七首 宋詩紀
事馬先覺字少伊崑山人乾道初進士官兵部架閣號
得閑居士有慚筆集按盧熊府志馬先覺登紹興三十
年進士郁舜舉宋詩鈔作寂峯恐彼誤

己丑中秋寓宿玉堂聞沈公雅大卿劉正夫戶部集張園
賞月走筆寄之 盧熊蘇州府志沈度字公雅眞州人
隆興二年以考功郎除直祕閣知平江宋詩紀事劉孝

三
韙字正夫以門蔭仕累官直祕閣提舉兩浙常平除直徽猷閣費衮梁谿漫志劉正夫以門蔭特命入西掖幾三年乃罷

送汪仲嘉侍郎使虜分韻得待字 宋史汪大猷字仲嘉慶元府鄞縣人孝宗時權刑部侍郎借吏部尙書爲賀金國正旦使

送汪仲嘉待制奉祠歸四明分韻得論字 汪大猷傳使金還朝改權吏部侍郎兼權吏部尙書以言去授敷文閣待制提舉太平興國宮

與周子充侍郎同宿石湖

齊東野語范公成大

築於盤門外十里蓋因闔閭所築越來溪故城之邊隨地勢高下而爲之亭樹所植多名花而梅尤多別築農圃堂對楞伽山臨石湖蓋太湖之一派所謂姑蘇前後臺相距亦止半里壽皇嘗御書石湖二大字賜之又有北山堂千巖觀天鏡閣壽櫟堂亭宇尤多一時名人賦詠極鋪張之美乾道壬辰三月上巳周益公以春官去國過吳范公招飲園中夜分題名壁間云吳臺越臺距門纔十里而陸沈於荒煙蔓草者千七百年紫薇舍人

范石湖詩集注卷上終
始創別墅登臨得要甲於東南豈鴟夷子成功於此扁
舟去之天闊絕景須苗裔之賢者然後享其樂耶爲擊
節而前後所題盡廢焉

范石湖詩集注卷上終

范石湖詩集注卷中

吳 沈欽韓 文起

卷十二

雷萬春墓原注在南京城南 宋史地理志南京大中祥符七年建應天府爲南京按今河南歸德府雷萬春墓在商邱縣南一里

伊尹墓 明統志伊尹墓在商邱縣東南四十里

宜春苑 一統志宜春苑在開封府城東門外

護龍河 東京夢華錄東都外城方四十餘里城濠曰護

龍河闊十餘丈濠之內外皆植楊柳粉牆朱戶禁人往來紀要護龍河宣化門外城濠也又鐵園山叢談金明山龍舟甚大上級一殿曰時乘池北創大屋深溝以貯龍舟俗號龍輿則此河亦爲龍舟而名蓋卽龍輿也

金水河 宋史河渠志金水河一名天源本京水導自滎陽黃堆山其源曰祝龍泉太祖建隆二年春命左領軍衛上將軍陳承昭率水工鑿渠引水過中牟名曰金水河凡百餘里抵都城西架其水橫絕於汴設斗門八浚溝通城濠東匯於五丈河公私利焉乾德三年又引舊

於皇城歷後苑內廷池沼水皆至焉一統志今自鄭州
以下通名賈魯河

壺春堂原注在擷芳園 宋史地理志景龍門外景龍江
北有龍德宮初元符三年以懿親宅潛邸爲之及作景
龍江江夾岸皆奇花珍木殿宇對峙中途曰壺春堂絕
岸至龍德宮其地次第展拓後盡都城一隅名擷芳園
漸水原注胙城界已有漸水去汴京約五十里 雲麓漫
鈔御寨行程東京四十五里至胙城縣腰頓皆望北行
李固渡 李固鎮在大名府魏縣東南漫鈔四十五里至

渡河沙店

天成橋原注碑石蔡京書在濬州岡上驛中東廡下此
詩當在舊滑州之下行程自滑州二十五里至濬州東
都事略政和五年孟昌齡鑿大伾作三山橋紀要天成
橋在濬縣故河上宋史河渠志詔三山至大伾山浮橋
屬濬縣者名天成濬縣今屬衛輝府

舊滑州

紀要白馬廢縣今滑縣治今縣西北十里有白

馬故城一云在縣南二十里宋南渡後大河南徙滑州白
馬皆在河北故城已淪於河中漫鈔四十五里至滑州鎮

鵲墓原注在湯陰伏道路傍樓鑰北行日錄自濟州
屯子河車行四十五里過伏道望鵲墓墓前多生艾功
倍于他艾經伏道河伏道莊入湯陰縣一統志伏道橋
在湯陰縣東十五里行程七十里至湯陰腰頓

羨里城一統志羨里城在彰德府湯陰縣北七里府志
羨水在縣北八里今與蕩水別流入衛

相州一統志相州金明昌三年升爲彰德府行程三十
里至相州安陽館

七十二塚一統志曹操西陵在臨漳縣西三十里

邯鄲驛原注漢戚夫人縣人也 戚誤爲慎漢文帝妾也

行程六十里至磁州滏陽驛腰頓七十里至邯鄲縣館
臨洛鎮原注去洛州三十里 明一統志洛州洪武初改
曰廣平府行程四十里至臨洛鎮

邢臺驛原注信德府驛也 今順德府此云信德府按宋
史地理志乃宣和時所名行程七十里至信德府邢臺驛
柳公亭

馬鞍山色舊青青 紀要馬鞍山在順德府邢臺縣西北
三十里

大甯河 按地志無大甯河或是大陸澤在順德府任縣

東北

柏鄉原注唐志堯山乃古柏仁俗傳或以此柏鄉爲柏人
按其俗傳之故前漢志鉅鹿有柏鄉侯國寰宇記柏
鄉故城在堯山縣東北二十二里與趙州柏鄉縣東西
中分爲界其地本與古柏人縣近行程三十五里至皇
甫邨驛柏鄉縣

唐山原注卽堯山 明一統志堯山在順德府唐山縣西
北八里

光武廟原注在柏鄉北廟前有二石人皆自腰而斷俗傳
光武夜過以爲生人問途不應劒斬之云 北轅錄趙
州南光武廟二石人尙橫於路一統志光武廟有二一
在柏鄉縣北十四里然二石人在趙州非柏鄉也原注
小誤

趙州石橋 一統志安濟橋在趙州南五里汶河上俗名
大石橋隋建廣四十步長五十餘步行程五十里至趙
州平棘驛

此修甚陋

柏林院原注趙州禪師道場 按趙州下脫從諗二字傳

燈錄真際禪師從諡居趙州觀音院

呼沱河 行程一百里至真定驛六十里至新樂驛

東坡祠堂 行程五十里至中山驛

望都 慶都縣在保定府西南九十里本漢望都縣金改

曰慶都行程五十里至望都縣

安肅軍 安肅縣在保定府北少東五十里行程七十里

至保州金臺驛四十里至保州梁臺驛

白溝原注古亦名巨馬河 一統志巨馬河卽涑水也自

易州涑水縣流入南至定興縣南爲白溝河白溝乃巨

馬支津下流在今涿州界自宋以來始總號巨馬河

固城 行程三十里至固城五十里至馬邨鋪

范陽驛 行程五十里至涿州本道館

琉璃河 一統志琉璃河源出順天府房山縣西北東南

逕良鄉縣西南又東南逕涿州東又南入保定府新城

縣界卽古聖水

橋眼驚人失眠鄉 眼字誤曰下舊聞引作影是

良鄉 行程六十里至良鄉縣六十里至燕京永平館

盧溝 盧溝橋在宛平縣西南三十里今謂之永定河

河邊服匿多生口 服匿見蘇武傳此用劉德注小旃帳
之說

會同館原注授館之明日守吏微言有議留使人者 程
史紹興要盟之日秦檜媚虜務極其至禮文之際多可
議者而受書之儀特甚逆亮渝平孝皇以奉親之故與
雍繼定和好雖易稱叔姪爲與國而此儀尙因循未改
上常悔之乾道五年陳正獻俊卿爲相上一日顧問欲
遣信使直之正獻恐召釁執奏不可上不聽正獻遂去
國上密求專對范石湖自南宮郎崇政說書爲右史侍

講天意攸屬遷起居郎假資政殿大學士左太中大夫
醴泉觀使兼侍讀丹陽郡開國公爲祈請使以行上臨
遣之曰朕以卿氣宇不羣親居選擇聞外議洵洵官屬
皆憚行有諸范對曰無故遣信使近於求釁不執則戮
臣已立後仍區處家事爲不還計心甚安之玉色愀然
曰朕不敗盟發兵何至害卿啗雪餐糴或有之不欲明
言恐負卿耳

卷十三

與吳興薛士隆使君游弁山石林先生故居

隆當作龍

名季宣宋史儒林傳薛季宣字士龍永嘉人自大理正
知湖州名勝志弁山在湖州府城西北十九里吳興掌
故云此山怪石林立其中一石最尊本侈而未銳危立
如幢按石林先生葉夢得也宅墓俱在弁山之南其宅
榜曰石林精舍有兼山堂躋雲軒碧琳池諸勝宋史文
苑傳葉夢得字少蘊吳縣人嗜學早成紹聖四年登進
士第大觀二年累遷翰林學士驂鸞錄葉公好石盡力
剔山骨森然發露若林而開徑於石間亦有自他所移
徙置道傍以補闕者周密癸辛雜識此園在雲巖古今

皆沒於蔓艸影響不復存

白石林回過小玲瓏巖竇益奇昔爲富人吳氏所有今一
子尙幼山檢校於官按膠鸞錄云小玲瓏今屬沈氏
沈氏之父死二子幼方檢校於官此云吳氏異癸辛雜
識玲瓏山在卞山之陰嵌空奇峻略如錢唐之南屏及
靈隱薌林皆奇石也賽玲瓏去玲瓏山近在三里許近
歲沈氏挾剔爲之按賽玲瓏卽此小玲瓏也

乾隆己丑守括被召再過釣臺自和十年前小詩刻之柱
間後五年自西掖帥桂林癸巳元日雪晴復過之再用

舊韻三絕 程史石湖立朝多奇節其爲西掖時上用
知閣門事樞密都承旨張說爲簽書滿朝譁然起爭上
皆弗聽范旣當制朝士或過問當視艸與否笑不應獨
微聲曰是不可以空言較聞者又譁然謂范黨近習取
顯位范亦不顧旣而廷臣不得其言有去者范詞猶未
下忽請上意其弗纖知其非以說事接納甚溫范對久
將退乃出詞頭納榻前玉色嚴厲范徐奏曰臣有引喻
今朝廷尊嚴雖不可以下擬州郡然分之有別則略同
也閣門官日日引贊乃今郡典謁吏耳執政大臣倖貳

比也有一州郡驛拔客將吏爲通判職曹官顧謂何邪
吏民觀聽又謂何耶上霽威沈吟曰朕將思明日說罷
後月餘范匄去上曰卿言引班事甚當朕方聽言納諫
乃欲去耶旣而范竟不安於位以集撰帥靜江實乾道
八年也

玉山道中

一統志常山在衢州府常山縣東三十里懷

玉山在廣信府玉山縣北一百四十里

桃花壇下望龜峰

輿地紀勝桃花臺在弋陽縣西二十

里濱溪而高平相傳昔有道士種桃鍊丹于此南望

峰屏立於前一統志桃花灘在弋陽縣西四十五里龜
峰山在縣南二十里弋陽江經其下有三十二峰皆筍
植笏立峭不可攀

清音堂與趙德莊太常小飲在餘干琵琶洲旁洲以形似
得名 輿地紀勝清音堂在餘干之觀音院與琵琶洲
相對一統志琵琶洲在饒州府餘干縣治南驂鸞錄二
十八日至餘干縣前都司趙彥端德莊新居在縣後山
上亦占勝同過思賢寺清音堂下臨琵琶洲一洲前共
長後圓闊如琵琶故以清音名此堂從昔爲勝處晁無

答題其榜

過鄱陽湖次游子明韻 一統志鄱陽湖在饒州府鄱陽
縣西四十里宋詩紀事游次公字子明建安人號西池
定夫諸孫范石湖帥桂林曰參內幕府有唱酬詩卷
我今弔靡共波流 弔音頽見莊子應帝王篇集韻只作
弟徒回反列子黃帝篇作茅靡

豫章南浦亭泊舟二首 輿地紀勝南浦亭在隆興府廣
潤門外下瞰南浦往來舟艤於此在唐已有之

清江臺在臨江郡圃西岡上張安國題榜 宋史張孝祥

字安國歷陽烏江人紹興二十四年進士第一

南來富壽岡

紀要章山在臨江府治西偏舊名富壽岡

蕭灘曳長煙

蕭水遶城西北流中有蕭灘

閣阜炯殘雪

一統志閣阜山在臨江府清江縣東六十

里

玉虛觀

驂鸞錄云十五日過棲桐山遊玉虛觀觀中有

飛茅殿仙茅碑南唐中書舍人江文蔚嘗爲修觀碑大

中祥符中再脩以純綠塗飾至今色可摘也輿地紀勝

玉虛觀在臨江軍西三十五里棲梧山本晉王長史宅

永和八年長史臥疾有神人告其長子朔日將有二仙過汝次日果至問其姓名乃許遜敬之郭璞景純也且乞其所居宅爲道院翌日二仙別去長史亦疾愈而尸解宅爲玉虛觀

方竹杖 驂鸞錄自小釋迦塔後方竹滿山取以爲杖爲世所珍

游仰山謁小釋迦塔訪孚惠二王遺蹟贈長老混融 紀
要仰山在袁州府南六十里一統志作八十里按釋氏稽古略云仰山慧寂禪師一日忽有梵僧從空而至師

問曰近離甚處曰西天曰幾時曰今早師曰太遲生梵
曰特來東土禮文殊卻遇小釋迦遂出梵書貝多葉數
十與師作禮乘空而去自此號師小釋迦梁貞明二年
年七十七以兩手抱膝而終初住王莽山僖宗乾符六
年山神請曰東南有大仰山福地也師遂遷焉塔于集
雲峰下一統志仰山廟在宜春縣南六十里仰山唐會
昌初建祠宋元符中賜額孚惠按輿地紀勝所云二王
者蓋蕭大分蕭陸也張謨雲谷雜記袁州仰山有二王
神祠其靈甚著廡間有碑記王蕭姓也驂鸞錄自袁州

二十五里先至孚惠廟祠兄弟二王不血食其神龍也
舊傳二龍昔居仰山中以其地施仰山祖師遷居於此
江湖諸郡皆春秋來祭奉之甚嚴

初入湖南醴陵界 醴陵縣在長沙府東南百八十里與
江西萍鄉縣接界

醴陵驛

綠水橋通縣 綠當作淥水道提綱淥水東自醴陵縣會
江西萍鄉諸水注湘江橋蓋以水爲名

蒲州何日到 州宋詩鈔作洲是

櫓洲道中 驂鸞錄二月一日宿山陽驛二日宿櫓州市

又當舍輿泝江按櫓洲當在湘潭縣也

浮湘行 湘江在長沙府湘潭縣西

湘江洲尾快風挂帆

將士猶教鼓笛催 笛宋詩鈔作角

衡州石鼓書院 名勝志石鼓山在衡州府城東北三里

始 唐元和中邑人李寬構屋讀書其上是爲石鼓書院之

邵陽口路麤惡積雨餘濇難行 一統志巨口關在寶慶

府邵陽縣北六十里

黃熊嶺 紀要熊羆嶺在永州府邵陽縣北三十里巖壑
深邃相傳熊羆所居一名黃熊嶺各勝志作黃熊山
書浯溪中興碑後并序 各勝志浯溪在邵陽縣南五里
流入湘江有清江白河及三江水皆注之唐元結自道
州歸愛其山水因家焉

序竊謂頌者美盛德之形容今元子乃以魯史筆法婉辭
含譏則磨崖之碑乃一罪案何頌之有竊題五十六字
刻之石傍此詩之出必有相詬病者

驂鸞錄詩餘

零陵人大以爲妄謂余不合點破渠鄉曲古跡有閩人
施一靈者通判州事助之譟獨教授王阮南卿是余言
則併指南卿爲黨云

愚溪 紀要愚溪在永州府西一里

我欲扁舟窮石澗春漲未生寒瀨咽 驂鸞錄循愚溪而
上碧流淙潺石瀨淺澀不可航春漲時或可所謂舟行
若窮忽又無際者必是泛一葉舟耳

鉞鋤潭邊聊駐節 一統志鉞鋤潭在永州府零陵縣西

三里

宿清湘城外田家 紀要清湘廢縣今桂林府全州治明

初省入州

卷十四

晚春二首

更煩紅槿帽 詳第三卷題開元天寶遺事詩

紅豆蔻花 桂海虞衡志紅豆蔻花叢生葉瘦如碧蘆春

未發初開花先抽一幹有大籜包之籜解花見一穗數

寸蕊淡紅鮮妍如桃杏色蕊重則下垂如葡萄又如火

齊瓔珞及翦綵鸞枝之狀

送郭季勇同年歸衡山

何敢吏朱浮、此用漢書朱雲語雲字游誤作浮

但喜見紫芝、唐書元德秀傳見紫芝眉宇使人名利之

心都盡

癸水亭 癸水門蓋桂林府東北城門也桂海虞衡志癸

水灘江也

食罷書字

扶頭老酒中 桂海虞衡志老酒以麥麴釀酒密封藏之

可數年士人家尤貴重每歲臘中家家造鮓有貴客則

設老酒冬鮮婚娶亦以老酒爲厚禮

次韻平江韓子師侍郎見寄三首 盧熊蘇州府志韓彥

古字子師蘄王世忠子兩知平江府癸辛雜識韓彥古

字子師詭譎任數處性不常李仁甫惡其爲人弗與交

請謁嘗瞰其亡一日知其出往見之則實未嘗出也既

見遂爲強留室有二廚牙籤黃袱扁護甚嚴仁甫問此

爲何書答曰先人在軍中日得於北方蓋本朝野史編

年成書者是時仁甫方修長編旣成有詔臨安給筆札

就其家繕錄以進而卷帙浩博未見端緒仁甫聞其言

竊甚亟欲得見之則曰家所祕藏將卽進呈不可輕示也李再四致禱乃曰且爲某飲酒續當以呈李于是爲盡量酒罷笑謂仁甫曰前言戲之耳此卽公所著長編也已爲用佳紙作副本裝池就以奉納便可進御李視之信然蓋陰戒書吏傳錄每一板酬千錢吏畏其威利其償輒先錄送韓所故李未成帙而韓已得全書矣其怙富玩世狡猾如此

宜齋雨中

綠肥新荔子紅迴舊蕉心 桂海虞衡志紅蕉花葉瘦類

蘆簪心中抽條條端發花葉數層日圻一兩葉色正紅
如榴花荔子其端各有一點鮮綠尤可愛春夏開至歲
寒猶芳

水鄉酌別但能之主管能之將過石康 老學庵筆記姓
但者音若檀近歲有嶺南監司但中庸是也

六月十五日夜汎西湖風月溫麗 紀要西湖在桂林府
城西三里環浸隱山六洞闊七百餘畝

燕堂書事

年深屋墜摧 尚書釋文墜徐許旣反說文仰塗也

酒邊二絕

新樣築毬花十八 墨莊漫錄王禹玉丞相寄程公闢詩
云舞急錦腰迎十八酒酣玉璫照東西樂府六么曲有
花十八古有玉東西杯其對甚新也徐度卻掃編蘇子
容上文潞公詩云舞奏未終花十八酒行先困玉東西
思歸再用枕上韻

行年心已化 莊子寓言篇曾子再仕而心再化

與鄭少融趙養民二使者訪古訾家洲 名勝志訾家洲
在灘水中觥並灘山唐裴行立剏亭閣於其上柳宗元

爲記按灘山在城東南隅一名沈水山程史淳熙六年鄭少融丙初拜西掖首疏官冗賞濫力指時政之失累數百言上覽而壯之奎札付中書曰賞功遷職不以濫予鄭丙言是也給舍遇書讀宜隨事以聞於是廷臣始側目旣而少融益疊疊論事敢於廟上上亦忻然納之無忤八年遂兼少拜大臣或指爲賣直上不聽諭少融曰朕自喜給舍得人亟遷吏書以矯其讒時王謙仲藺丞宗正進對曰今日不欺陛下惟鄭丙惜其愛莫助之爾上喜亦遷監察御史少融繼守數郡治微尙嚴云按

少融未拜西掖前實持憲廣西云

耳鳴戲題

人言衰相現 法苑珠林天大五衰相一衣服垢穢二頭
上華萎三腋下汗流四身體臭穢五不樂本座天五小
衰相一樂聲不起二身光忽滅三浴水著身四著境不
捨五眼目數瞬

復作耳鳴二首

妙用何關新卷葉 楞嚴經云耳體如新卷葉浮根四塵
流逸奔聲

夢中鼓響生于偈覺後春聲失白非 又我正夢時惑此

春音將爲鼓響

不須路入兜元國

玄怪錄薛君胄覺兩耳中有車馬聲

因隕然思寢纔至席遂有小車朱輪青蓋駕赤犢出耳
中各高三二寸車有二童絳幘青帔亦長二三寸而謂
君胄曰吾自兜玄國來向聞長嘯月下甚清激私心慕
願接請論君胄大駭曰君適出吾耳何謂兜玄國來
二童子曰兜玄國在吾耳中君耳安能處我一童因領
耳示君胄覘之乃別有天地花卉繁茂薺棟連接清泉

縈繞巖岫杳冥因捫耳投之已至一都會問之二童已
在其側謂君胄曰旣至此盍從我謁蒙之真伯真伯授
君胄爲主籙大夫卽有黃帔三四人引至一曹署其中
文簿多所不識因暇登樓遠望忽有歸思賦詩示二童
子童子怒曰吾以君性質冲寂引至吾國鄙俗餘態果
乃未去遂疾逐君胄如陷落地仰視乃自童子耳中落
已在舊處童子亦不復見問諸鄰人云失君胄已七八
年矣

自有音聞室筏城

楞嚴經如我乞食室羅筏城在祇陀

林則無有我此聲必來阿難耳處

如今卻笑難陀種無耳何勞強聽聲 又跋難陀龍無耳而聽難陀龍也翻譯名義難陀此云歡喜段成式酉陽雜俎云龍無耳

乙未元日用前韻書懷今年五十矣

飽外何須食肉飛 後漢班超傳

再用前韻

一夢微官陪蠃飛 釋蟲云蠃飛蟻郭云有翅然則飛字連下讀今云蠃飛得無誤讀耶

與同僚游棲霞洞 名勝志七里山在府城東三里中有

棲霞洞

卷十五

初發桂林有出嶺之喜但病餘便覺登頓至靈川疲甚

一統志靈川縣在桂林府東北五十二里

甘棠驛 甘棠墟在靈川縣南二十里

嚴關 紀要嚴關在桂林府興安縣西南十七里桂郡之咽喉也

興安乳洞有上中下三巖 紀要乳洞在興安縣西南十

里洞有三上曰飛霞中曰駐雲下曰噴雷宋人所名也
旋折而上泉石奇勝

鐔溝原注在興安縣五里所秦史錄所作也 縣字下脫
字祿誤作錄按唐書李渤傳渤重修此渠鑿石造隄
如鐔溝分二水置石斗門歐陽忞輿地廣記則云咸通
元年刺史魚孟威以石爲鐔隄亘四十里二說雖不同
要皆在唐時始有此名今范公乃云卽史祿所造殆失
考按寰宇記秦鑿渠在興安縣南二十里宋史河渠志
靈渠源卽灘水在興安縣北經縣郭而南初乃秦史祿

所鑿以下兵於南越者至漢歸義侯出零陵灘水卽此
渠也唐寶曆初李渤立斗門以通漕舟紀要唐咸通九
年刺史魚孟威以石爲鑿隄亘四十里植大木爲斗門
至十八里乃通舟楫

羅江 紀要羅水在全州西五里出州西羅氏山經州南
入於湘水齊召南水道提綱全州城北有羅江

題湘山大施堂 一統志湘山在全州西二里

湘口夜泊南去零陵十里矣營水來自營道過零陵下湘
水自桂林之海陽至此與營會合爲一江 水道提綱

泥江卽古瀟水至道州營水西自永安關來會又東北經州城東北又東北總名泥江又北流至永州府治西南又北二十里至湘口入湘江

寄題潭帥王樞使佚老堂 宋史王藺光宗卽位兼參政拜樞密使甯宗卽位帥湖南然與公相去遠玩詩意則是王剛中剛中以龍圖閣待制知成都府制置四川敵騎度大散關人情洶洶剛中跨一馬夜馳二百里起吳璘於帳中責之曰大將與國義同休戚臨敵安得高枕而臥璘大驚又以蠟書抵張正彥濟師西師大集金兵

敗走方議奏捷剛中倍道馳還謂其屬李燾曰將帥之功吾何有焉孝宗受禪召赴闕以足疾請祠歸鄱陽營圃植竹號竹塢佚老堂當作於歸鄱陽時此詩之作則在剛中再起知樞密時也詩云四年西畧卽指剛中帥蜀又云匹馬幡幡危言岌岌卽責吳璘事但史不載其爲潭帥耳

連日風作洞庭不可渡出赤沙湖 紀要洞庭湖在岳州府西南其南曰青草湖其西曰赤沙湖按此詩當在衡州程途之後錯置於此蓋赤沙湖在華容縣西南與澧

水相接此下有安鄉縣澧陽江等詩是由赤沙湖入澧江從澧州安鄉縣而至荊州府石首縣也其路程如此漁蠻尙自有常處漁當作魚東坡有魚蠻子詩蓋如蠻戶以舟爲家寰宇記所謂江東曰水郎也

羈官方汝尤飄零官宋詩鈔作宦

三月十五日華容湖尾看月出紀要縣河在岳州府華容縣城南俗亦謂之華容湖

鼎河口枕上作一統志漸水源出常德府武陵縣北三十里梁山流入龍陽縣西北入沅水一名澹水亦謂之

鼎江其八沅處謂之鼎口旁有小江在縣西北四十里
卽鼎水八沅處

安鄉縣西晚泊 安鄉縣在澧州東南一百二十五里北
至華容縣九十里

澧陽江 澧江在安鄉縣城西南

孫黃渡 一統志孫黃驛在荊州府公安縣西一里孫黃
渡在縣南二里

潯陵 一統志潯陵故城在荊州府公安縣南二十五里
發荊州

沙頭沽酒市樓煖

一統志沙市巡司在江陵縣東南十

五里卽古沙頭市

虎牙灘原注又名金門十二倍屬夷陵

金當作荆倍當

作培名勝志虎牙山在夷陵州南宜都縣北五十里山
有十三碛陸游入蜀記過荆門十二碛皆高崖絕壁巖
巖突兀則峽中險可知矣過碛望五龍及雞籠山嵯峩
正如夏雲之奇峯荆門者當以險固得名碛上有石穴
正方高可通人俗謂之荆門則妄也

峽州至喜亭

名勝志至喜堂在故夷陵縣廳事之東朱

慶基爲歐陽修築按朱慶基知峽州歐公爲夷陵令至喜堂在縣治又有至喜亭在州治兩處不同也

桃花鋪

名勝志發夷陵之秭歸出桃花鋪卽上嶺其有

大小埡鬼見愁相交鋪望州鋪俱最險峻至白沙舊驛而止

小望州

一統志望州山在宜昌府東湖縣西

一百八盤

陸游入蜀記巫山縣在峽中隔江南陵山極

高大有路如綫盤屈至絕頂謂之一百八盤山谷內集竹枝歌浮雲一百八盤縈任淵注山谷書萍鄉廳曰畧

江陵上夔峽過一百八盤涉四十八渡亦在夔峽後據
彼說則此詩當在入峽後巫山縣下錯置於此

卷十六

麻線堆 一統志麻線堆在宜昌府歸州東南

早發周平驛過清烈祠下 名勝志太清鎮在歸州興山

縣北三十里有清烈公祠按興山今屬宜昌府

白狗峽原注西岸有玉虛洞 名勝志白狗峽在歸州東

二十里兵書峽之上按歸州今屬宜昌府入蜀記肩輿

游玉虛洞去江岸五里許隔一溪所謂香溪也源出昭

君村水色碧如黛呼小舟以渡過溪又里餘洞門小纔
袤丈既入則極大可容數百人宏敞壯麗如入大宮殿
中有石成幢蓋幡旗之屬芝草竹筍仙人龍虎鳥獸之
屬千狀萬態莫不逼真

人鮮簋 名勝志歸州西三里有叱灘一名人鮮甕在雷
鳴洞之南分爲三叱官槽口爲上叱雷鳴洞爲中叱黃
石口爲下叱入蜀記歸州前卽人鮮甕城中無尺寸平
土

與齋俱入彼可弔 列子黃帝篇與齋俱入與汨俱出注

云齋汨者水迴入涌出之貌

乘流而行吾亦危 咸淳臨安志徑山國一大師本吳郡
崑山朱氏子貢禮部道由丹徒至鶴林寺馬素禪師見
而異之遂祝髮名法欽久辭出游方請示所止曰汝乘
流而行遇徑卽止

巴東峽口 寰宇記隋開皇十八年改樂鄉縣爲巴東縣
今屬宜昌府

初入巫峽 明統志巫峽在夔州府巫山縣東三十里卽
巫山也

燕子坡 名勝志烏飛巖在夔州府巫山縣西南四十里

與燕子坡相對

鬼門關 明統志鬼門關在夔州府城東北三十里

離巫山好晴午後入瞿唐關憩高齋半日 明統志瞿唐

關在夔州府城東八里關城下陸游高齋記少陵居夔

三徙居皆名高齋其詩曰次水門者白帝城之高齋也

灩澦堆 明統志灩澦堆在瞿唐峽口江心突兀而出

白頭忽作傾城妍 新序無鹽女白頭深目昂鼻結喉

夔州竹枝歌九首

赤甲白鹽碧叢叢 紀要赤甲山在夔州府東北十五里
不生草木土石皆赤白鹽山在府東十七里巖壁高峻
色若白鹽

荔子天涼未肯紅 荔子宋詩鈔作荔枝

新城果園連灤西 名勝志北園卽灤西果園也入蜀記
云土人謂山澗之流通江者曰灤其地在灤之西故曰

灤西

瘦婦趁墟城裏來 徐宏祖滇游記市集貴州爲場雲南
爲街子廣西爲墟劉禹錫詩綠荷包飯趁墟人

東屯平田秔米軟

輿地紀勝城東有東瀼水公孫述於

水濱墾稻田因號東屯東屯之田可得百許頃稻米爲
蜀第一郡給諸官俸米以高下爲差

白帝廟前無舊城

紀要白帝城在府城東十三里水門

之西卽灩澦堆也

魚復陣圖江水心

入蜀記夔州東南有八陣磧孔明之

遺蹟碎石行列如引繩每歲江漲磧上水數十丈比退
陣石如故

大昌鹽船出巫峽

一統志大昌縣在夔州府東北二百

里

萬里橋邊有船到 萬里橋在成都府南中和門外

雲安縣 今夔州府雲陽縣在府西一百四十里

萬州 今萬縣一統志在夔州府西南二百八十里

西江朝宗來 紀要大江自忠州流入界經縣治南又東

北入雲陽縣界南山在縣治南下瞰大江

寂寂懷甄訴 楊銜之洛陽伽藍記齊州懷甄之俗言刺

史始下車民人懷甄叩額及罷去又懷甄以狙擊也

峽石鋪 紀要峽石市在夔州府梁山縣東五十里

蟠龍嶺

輿地紀勝蟠龍山梁山軍東二十里孤峙秀

桀突出眾山之上下有二洞洞溪中有二石龍狀首尾相蟠故名按梁山縣今屬忠州

蟠龍瀑布

名勝志洞中之泉下注懸巖約二百餘丈

峰門嶺過雨泊梁山輿地紀勝峰門山距梁山軍東一十五里其山高大頂有寒泉崖峻險羣峰對峙如門因以名之

邛邛驛大雨

邛邛縣屬成都府在府東一百七十里錯

置於此

巾子山又雨 一統志巾子山在重慶府長壽縣西北

地紀勝在樂溫縣北一百里

鄰山縣 紀要鄰山城在鄰山縣東南五十里元至元二

十年并入大竹縣今爲鄰山鎮

金山嶺 紀要金城山在順慶府儀隴縣北

明日至鄰水又雨 鄰水縣在順慶府東南二百七十里

鄰水在縣治東

殘夜至峰頂上 名勝志忠州墊江縣東北二十里有峰

頂山

蚤晴發廣安軍 紀要廣安州在順慶府東二百十里一

統志云府東南一百七十里

雲頭隕鐵山日脚迸金瀑 鄰山在鄰水縣東四十里志
云此山出鐵又龍穴水亦在縣東源出大竹縣界金盤
山詩中鐵山金瀑謂此名勝志金盤山下瀑布百八十
尺號爲散水

翠蓋立嚴粧 粧當作裝

嘉陵江過合州漢初縣下 紀要漢初廢縣在合州北百

九十里嘉陵江在合州北五里合州屬重慶府

新晴行鄰水上與涪江相近 明統志鄭江在潼川州西

南按今爲潼川府涪江在府北自綿州流入

小溪縣 明統志廣小溪縣在潼川州遂甯縣

曉發飛鳥 明統志飛鳥山在潼川州中江縣南一百七

十里飛鳥縣在州西南一百三十里元并八中江縣

停雲俗三緇 俗宋詩外作浴是

或加陰石鞭 水經注夷水篇難留城南二大石俗名陰

陽石陰石常溼陽石常旱則鞭陰石應時雨

刑鵝與象龍 董子求雨俗春旱求雨爲大蒼龍一小龍

七閩邑里南門置水其外開邑里北門龍取潔土爲之
遂甯府始見平川喜成短歌 明統志遂甯縣在潼川州
南二百四十里唐遂州宋升爲府洪武九年改爲縣

卷十七

九月十九日衙散回留大將及幕屬飲清心堂觀晚菊分
韻得諫暮字

分弓滴博平 困學紀聞的博嶺在維州按杜工部集作
滴博唐書韋皋傳作的博

冬至日銅壺閣落成 名勝志成都府西門直街鼓樓卽

宋銅壺閣也陸游記云閣南直西川門西北距府五十步乃蔣堂知益州伐江瀆廟材所創吳玠范成大相繼而侈張之爲成都巨觀按宋史蔣堂傳亦載其事

十二月十八日海雲賞山茶 名勝志海雲山在錦江下流十里有海雲寺

仍從掌故問山茶 按掌故當作掌固舊唐書職官志諸司亭掌固檢校省門戶倉庫廳事陳設之事宋謂之守當官非漢書所云太常掌故也此等疑是刊書者不學妄改

雨後東郭排岸司申梅開方及三分戲書小絕令一面開
燕 按陸劔南集蜀中梅花園官報開五分始命駕宴
賞其絕句云只恁朝來歌吹鬧園官已報五分開此皆
太平故事前輩風流也 老學庵筆記范至能在成都
嘗求亭子名予曰思鱸至能大以爲佳時方作墨卽以
銘墨背然不果築亭也

初四日東郊觀麥苗

相將飽喫滹沱飯

後漢書馮異傳倉卒滹沱河麥飯

上巳前一日學射山萬歲池故事

一統志學射山在成都

都縣北十八里漢後主嘗習射於此因名萬歲池在府北十里

錦亭然燭觀海棠方輿勝覽錦樓在成都縣龜城上唐建亦曰散花樓

三月二十三日海雲摸石三當作一歲華紀麗譜三月二十一日出大東門宴海雲山鴻慶寺登眾春閣觀摸石蓋開元二十三年靈智禪師以是日歸寂邦人敬之入山游禮因而成俗山有小池土女探石其中以占求子之祥吳中復游海雲寺唱和詩王霽序云成都風俗

歲以三月二十一日游城東海雲寺摸石於池中以爲
求子之祥太守出郊大譙賓從以主民樂觀者夾道
秋老四境雨已沛然晚坐籌邊樓一統志籌邊樓在府
治西李德裕建宋淳熙中范成大重建於子城西南
晁子西寄詩謝酒宋詩紀事晁公遡字子西公武之弟
有嵩山集

晚步宣華舊苑成都記摩訶池在張儀子城內蜀後主
衍建宣華苑於池上又改爲宣華池

丁酉重九藥市呈坐客輿地紀勝藥市在大慈寺前文

昌雜錄云蜀人重藥市蓋常有神仙之遇焉老學庵筆記成都藥市以玉局化爲最盛用九月九日楊文公談苑云七月七日誤也

會慶節大慈寺茶酒 宗史禮志孝宗以十月二十二日爲會慶節其上壽稱觴之禮如高宗天申節儀四川通志大慈寺在成都府東門唐至德年建舊有肅宗書大聖慈寺

海雲回按驍騎於城北原時有吐番出沒大渡河上方輿勝覽大渡河於黎州爲南邊要害之地唐時大渡之

戍不守則黎雅卽嘉成都皆擾建隆二年王全斌平蜀
以圖上議者欲因兵威復越巂今甯遠府藝祖以玉斧畫此
河曰外此我不有也於是爲黎之極邊曩時河道平廣
可通漕舟自玉斧畫河之後河之中流忽陷下五六十
丈河流至此澎湃如瀑從空而落船筏不通名爲噎口
殆天設險以限蠻夷按黎州今爲雅州府清溪縣大渡
河在縣南

合江亭隔江望瑤林莊梅盛開過江訪之馬上哦此名
志李冰穿二江城中皆可行舟合於城之東南岸曲有

合江亭今之錦官驛是其地

合江亭在府城東南郛

錦二江合流處唐韋皋建

獨醒雜志成都合江園乃

孟蜀故苑在成都西南十五六里外芳華樓前後植梅

極多故事臘月賞燕其中管界巡檢營其側花時日以

報府至開及五分府主領監司來燕游人亦競集有兩

大樹夭矯若龍相傳謂之梅龍按劔南集自注與此略

同

丁酉正月二日東郊故事

擾擾金鞍逐畫軒

老學庵筆記成都諸名族婦女出入

皆乘轎車惟城北郭氏車最鮮華爲一城之冠謂之郭家車子

初履地

衝風奪氣似枯柂 杜工部集枯柂詩云衝風奪佳氣白鵲遂不來

客來慵按懶殘涕 傳鐙錄懶殘云邨有工夫爲俗人拭涕

密室憊坐

誰家籌室強傳鐙 翻譯名義優波毼多國城東五六里

巖間有石室高二十餘尺廣三十餘尺四寸細籌填積
其內尊者近護說法化道夫妻俱證羅漢果者乃下一
籌

春晚臥病故事都廢聞西門種柳已成而燕宮海棠亦爛
漫矣

遨頭六結已龜藏 阿毗達摩集論有五結謂貪恚慢嫉
慳也此六結蓋卽龜藏六之喻注別見

陸務觀云春初多雨近方晴碧雞坊海棠全未及去年
碧雞坊在府城內西南

浣花戲題爭標者 方輿勝覽浣花溪在城西五里一名
百花潭歲華紀麗譜四月十九日浣花佑聖夫人誕日
也太守出笮橋門至梵安寺創杜工部宅謁夫人祠就宴於
寺之設廳既宴登舟觀諸軍騎射倡樂導前沂流至百
花潭觀水嬉競渡官舫民船乘流上下或幕帟水濱以
事游賞最爲出郊之勝老學庵筆記四月十九日成都
謂之浣花遨頭宴于杜子美草堂滄浪亭傾城皆出錦
繡夾道自開歲宴游至是而止故最盛於他時

鹿鳴宴

墨沼不憂經覆瓿 何涉讀易堂記楊雄有宅一區在錦
官西郭隘巷墨池在焉按今藩司西南隅屬城之北墨
池二字舊是米芾書匾今刻於石

琴臺重有賦凌雲 名勝志李膺云市橋西二百步有相
如舊宅今海安寺南有琴臺故墟

卷十八

初發太城留別田父 華陽國志蜀郡成都刺史治大城
郡治少城

八崇甯界 紀要崇甯縣在成都府城西北八十里

懷古亭原注在永康離堆之上 紀要永康廢縣在崇慶
州西北五十里舊志離堆在成都府灌縣西一里洪氏
隸釋在今夾江縣按今灌縣宋爲永康軍則在灌縣者
是此離堆也

離堆行 紀要渝堰在灌縣西卽離堆口也亦曰都安堰
今爲犍尾堰

崇德廟 名勝志今成都府灌縣西三十里有李冰祠卽
崇德廟也獨醒雜志蜀永康軍城外崇德廟乃祠李太
守父子祠祭甚盛每歲用羊至四萬餘凡買羊以祭偶

產羔者亦不敢留永康藉羊稅以充郡計

不知新漲高幾畫原注舊有水則記漲痕占歲事一畫爲一則宋史河渠志離堆之趾舊鑿石爲水則則盈一尺至十而止水及六則流始足用過則從侍郎河減水河泄而歸於江

戲題索橋 宋詩鈔此題作過青城題索橋以竹繩爲之名勝志灌縣西二里有橋曰珠浦卽索橋也其制兩岸塹石爲穴犍石爲籠夾植巨木屹砥湍流編竹繩跨江橫闊一丈離水面五尺長百二十丈

青城山會慶建福宮原注宮舊名丈人觀 名勝志丈人
觀在青城山北二十里方輿勝覽昔宵封棲於北巖之
上黃帝師焉築壇拜爲五岳丈人

流金飛火燭蒼巔 名勝志丈人觀上有天池夜則神燈
飛行遍空

祇應老宅龐眉客 方輿勝覽老人邨在大面山之北昔
人避難其中多享年壽故名見一叟曰本丞相范賢之
裔知李雄之祚不永挈吾輩居此圖經云卽老澤也在
青城北百三十里昔諸葛亮遷羣獠於山下故名按方

輿記要獠澤關在灌縣西南百里董卜韓胡通華捷徑也

再題青城山 紀要青城山在灌縣西南五里

上到江源第一峯 杜光庭蜀記岷山連峯接岫千里不絕青城乃其第一峯耳高三千六百丈

上清宮 吳船錄上清宮在最高峯之頂以板閣插石作堂殿下視丈人峯直培塿耳岷山數百峯悉在欄檻下如翠浪起伏勢皆東傾名勝志晉時於丈人峯前起上清觀

最高峯望雪山 明統志雪山在威州西南一百里與乳川白狗嶺相連山有九峯上有積雪春夏不消按威州今爲保縣屬茂州

大面峯頭六月寒 輿地紀勝大面山在三溪之北前臨成都眾峯攢秀高七十二里杜光庭記云前號青城後曰大面其實一耳

江源縣張季長正字家善頌堂 明統志廢江源縣在崇慶州東南三十里一統志崇慶州有江源鎮

蜀州西湖 紀要崇慶州唐垂拱二年分益州置蜀州宋

紹興十年升崇慶軍淳熙四年又升爲府元至元二十年降爲州名勝志西湖在郡圃蓋阜江之水皆導城中環守之居因瀦其餘以爲湖一統志崇慶州在成都府西南九十里

新津道中 紀要新津縣在崇慶州東南二十里

次韵陸務觀編修新津遇雨不得登修覺山徑過眉州三絕 名勝志新津縣南一里爲修覺山神秀禪師結廬於唐明皇駐蹕爲題修覺山三字

中巖 明統志上巖在眉州青神縣東北五里中巖去上

巖五里許上有喚魚潭客至撫掌魚輒出

慈姥巖 明統志慈姥巖在青神縣東五里

玻璃江一首戲效陸務觀作 明統志驀頤山在眉州城

東七里玻璃江在山下卽岷江也一名驀頤津

萬景樓 明統志萬景樓在嘉定州治西宋郡守呂由誠

建高標山在州西一名高望山巍然高峙萬象在前舊

有層樓境內風月之勝一目可盡按卽此樓也

指麾大渡來朝宗 太平寰宇記大渡河在嘉州峨眉縣

南一百八十步

龍彎歸路繞烏尤 明統志九龍山在州治東北臨大江
之左右崖上舊刻九龍形按寰宇記嘉州龍游縣隋伐
陳有龍見於江引軍因而改名所謂龍彎殆指此輿地
紀勝烏尤山一名離堆山在九頂山之左舊名烏牛突
然水中作犀牛狀至黃山谷題涪翁亭始謂之烏尤又
名烏龍

凌雲九頂

方輿勝覽九頂山在州城左上有九峯

不具錄

唐會昌以前峯各有寺今惟存凌雲一寺又名大像寺
開元中僧通海于瀆江沫水濛水三江之合衝濤怒浪

之濱礮山爲彌勒大像高踰三百六十尺建七層閣以覆之

雲抹三峨日夜浮 明統志小峨山與中峨山相連是爲三峨

戲題方響洞 名勝志丁東院在州學前院有方響洞別後寄題漢嘉月榭

試傾萬景湖亭酒原注萬景嘉州酒名湖亭明月湖也紀要明月湖舊在州治前今爲平陸

蘇稽鎮客舍 元和志蘇稽戍在嘉州龍游縣西南三十

里

峨眉縣

峨眉縣在嘉定府西六十里

初入大峨

紀要大峨山在峨眉縣西百里山中有石龕

百十二大洞十二小洞二十八若羲女媧鬼谷諸洞其

最著也又有雷洞七十三時出雲雨俗以爲雷神所居

華嚴寺

名勝志凡游大峨者自縣勝峯門出至華嚴院

恰十五里過解脫坡爲華嚴寺輿地記勝自峨眉縣勝

峯門出歷石魚橋山門路黑水白水莊彼岸橋天公龍

神堂妙峯閣亂石溪游仙橋千人洞清風峽至華嚴寺

中峯原注有

普賢閣

名勝志中峯寺卽乾明觀按公峨

眉紀行云過青竹橋峨眉新觀至中峯院院有普賢閣

雙溪原注在白水寺前

名勝志又過爲雙飛橋一橋受

一水水自一洞來有黑白之分有石狀如牛心受水所

激而成有前後牛心寺前者白水而後者黑水也孫思

邈居於白水今萬年寺卽白水寺由山下至寺一舍而

遙倍之而近公紀行云出中峯院過樟木牛心二嶺及

牛心院至雙溪橋有兩山相對各有一溪出焉

寶現溪

名勝志出寺至明月池俗名初喜亭蓋卽此溪

公紀行云雙溪流至橋下入岑蔚中可數十步合爲一
投大壑散爲溪灘名寶現溪

點心山

出初喜亭至化城寺俗名木皮殿徑一嶺狹束

如溝水所流注多磊砢善脫足謂之滑石溝也紀行云
自寶現溪登危磴過菩薩閣當道榜曰天下大峨山遂
至白水普賢寺自縣至此皆峻阪四十餘里然始是峯
頂之山腳耳

自白水寺
登點心山

大扶擗

小扶擗

紀行云又過茅亭嘴石子電大小深

阮駱駝嶺簇店又過峯門羅漢店大小扶擗

胡孫梯 紀行云又過錯喜歡木皮里胡孫梯雷洞坪

雷洞平 由木皮殿至雷洞平行者禁聲有禁聲碑

八十四盤 由雷洞平至天門石路諸曲爲八十四盤紀

行云自雷洞坪又過新店八十四盤

婆羅平 婆當作娑過天門以外爲娑羅坪娑羅其葉冬

青其蒼藟其色赤白

思佛亭曉望 紀行云自娑羅坪過思佛亭軟草坪洗腳

溪至峰頂光相寺

光相寺 光相臺昔建鐵瓦殿今建銅殿有庵以棲禪者

自白水寺至光相寺山徑如綫如是者六十里

七寶巖

峨眉縣志至光相寺有七寶觀光二臺俗名峰

頂俯瞰大江如綫

淨光軒原注白水寺

一統志萬年寺在峨眉山卽白水

寺晉時建唐僧慧通精修於此宋爲白水普賢寺明萬
厯間勅改萬年寺

龍門峽

一統志龍門山在峨眉縣西十里兩崖峭削仰

視青天僅露一綫對山瀑布飛泉直下百餘丈范成大
嘗游此以爲天下峽泉第一

聞威州諸羌退聽紀要威州在成都府西北五百五十里本朝雍正五年省爲保縣屬茂州大小金川司所通要道也

勃律天西元采玉舊唐書高仙芝傳小勃律國王爲吐蕃所招妻以公主西北二十餘國貢獻不通西陽雜俎天寶初安思順進五色玉帶又於左藏庫中得五色玉杯上怪近日西蕃無五色玉令責安西諸蕃蕃言比常進皆爲小勃律所劫不達上怒征之按于闐國有玉河采玉者于闐國也今爲和闐猶出玉

蓬婆雪外昨分弓 杜工部集更奪蓬婆雪外城通鑑注
蓬婆嶺在雪山外紀要蓬婆嶺在茂州西南近安戎故
城

卷十九

犍爲江樓 明統志犍爲縣在嘉定州南一百里按此下
詩皆順流出蜀東歸之作

宣化道中 一統志宣化廢縣在敘州府西北百八十里
宋太平興國初析義賓縣地置明初省輿地紀勝宣化
縣南山叢秀中一峯突出爲菩薩頂

將至敘州

紀要大江自嘉定州南流經犍爲縣東又東

南入敘州府宜賓縣界蓋范公扁舟沿江出峽矣

七夕至敘州登鎖江亭山谷謫居時屢登此亭有詩四篇
敬用其韵 山谷內集有次韵李任道晚飲鎖江亭云
西來雪浪如魚烹南涯一葦乃可橫忽思鍾陵江十里
白蘋風起穀紋生酒杯未覺浮蟻滑茶鼎已作蒼蠅鳴
歸時其須落日盡亦嫌持蓋僕屢更又有再次韵兼簡
履中南玉二首任淵注鎖江亭在戎州之東戎今爲敘
州李仔字任道本梓人寓江津二十餘年老成人也

新亭乃有絙鐵橫 紀要夔道城政和四年改爲宜賓縣
爲敘州治唐太宗時治於蜀江之右三江口武宗會昌
中大水徙城於蜀江北岸元至元中復徙治三江口按
范石湖是時州治猶在蜀江北岸也志云府城北兩岸
有大石屹立昔人置鐵絙橫絕其處控扼蠻寇名曰鎖
江

江安道中 紀要江安縣在瀘州西南百二十里西至敘
州府南溪縣百二十里

瀘水舟間迷古渡原注瀘戎之間有渡瀘亭然不知孔明

竟出何路 方輿勝覽偶住亭在江安縣之對口建中
初魯直自契道還過邑宰石諒同游此亭後改爲渡瀘
亭范石湖以爲諸葛舊迹誤矣

瀘州南定樓 名勝志南定樓取出師表語也一名海觀
一統志南定樓在州治東宋郡守晁公武建

樓下沔沔內江水 紀要瀘江在州城東卽大江也資江
在州城北卽中江也自敘州府榮昌縣東南流至州城
東合於瀘江按內江卽中江也

題譚德稱扇原注德稱與楊商卿父子送余遠至瀘之合

江紀要合江縣在瀘州東百二十里東北至重慶府
江津縣二百七十里大江至縣治東有二溪流合焉因
謂之合江大江又東北入重慶府江津縣界

過江津縣睡熟不暇稍船一統志江津縣在重慶府西
南百三十里

恭州夜泊宋史地理志重慶府本恭州舊爲渝州崇甯
元年改恭州後以高宗潛藩升爲重慶府

青溪夜月已渝州元和郡縣志天寶元年改資州牛鞞
縣爲清溪縣按此詩用太白語青當作清

大熱泊樂溫有懷商卿德稱 輿地紀勝涪州樂溫縣在
州西八十里紀要樂溫山在重慶府長壽縣西南四十
八里山下有樂溫灘大江所經也

城郭廩君國 廩君詳後漢書西南夷傳

山林妃子園 輿地紀勝妃子園在涪州西十五里其地
多荔支蜀中荔支瀘渚之品爲上涪州次之合州又次
之

涪州江險不可泊入黔江機舟 紀要大江在長壽縣南
六里自巴縣流入界又東入涪州境黔江在黔江縣南

七十里輿地紀勝蜀江自成都登舟十二程至此會合
黔江黔江自思州之上費溪州發源經五十八節名灘
方至黔州與施州江合流九十里經彭水武德二縣凡
五百餘里與蜀江會于涪州之東

玻瓈徹底鏡面清 方輿勝覽黔江水淵澄澈可鑒毛
髮底見苔石魚蝦可數

豐都觀 一統志豐都縣在忠州西南一百十里方輿勝
覽自酆都縣東行二里許始登山石經縈迴可一二里
平瑩如埽林木邃茂夾徑翠柏黃葛殆萬株有數十株

是千年物此卽平都山也段文昌修平都觀記云平都山最高頂卽漢時王陰二真人蟬蛻之所

萬州西山湖亭秋荷尙盛 紀要明洪武七年改萬州爲萬縣在夔州府西南二百八十里輿地紀勝西山距州治二里初泉荒草蕪郡守馬元穎魯有開修西山池亭種蓮植荔支襍果凡三百本蜀人張俞賦詩有昔乃荆棘荒今爲蘭蕙襲之句又魯池在西山上卽太守魯有開所鑿廣百畝植以紅蓮每歲花發望如雲錦

下巖 紀要萬縣治東二里有下巖山谷內集萬州下巖

詩序云唐末有劉道者定州無極人聞道於雲居膺禪師爲開巖第一祖法號道微自鑿石龕曰死便藏龕中二百年矣來游者題詩不可勝讀按此詩所云坡谷前頭未敢刊謂此也今東坡南行集不載下巖詩

魚復浦

明統志魚復浦在夔州府治東南

高齋詩翁不可作

按此高齋在瞿唐關上陸游高齋記

云少陵居夔三徙居皆名高齋其詩次水門者白帝城之高齋

瞿唐行原注灩澦散髮不可犯

按吳船錄云灩澦之頂

盤渦散其上西灩澦撒髮人云如馬者尙不可下況撒髮邪較此注爲明了

後巫山高一首

凝真宮前十二峰 陸游入蜀記過巫山凝真觀謁妙用真人祠卽世所謂巫山神女祠正對巫山峰巒上入霄漢山腳直插江中名勝志十二峰曰望霞翠屏朝雲松巒集仙來鶴靜壇上昇起雲飛鳳登龍聖泉

惟餘烏鴉作使者 吳船錄凝真觀前有馴鴉客舟將來迎於數里之外舟過亦送數里土人謂之神鴉蘇文忠

南行集云巫山廟上下數十里有鳥鳶無數取食於行舟之上舟人以神之故亦不敢害

黃牛峽 名勝志黃牛峽在夷陵州西九十里

假十二峯原注自此至平喜壩千峯重複靡不奇峭一

統志平喜壩在宜昌府東湖縣西北十五里

扇子峽 明統志明月峽在夷陵州西二十里縣厓間白

石狀如月又如扇子亦曰扇子峽

魯家洲入沌原注三江口卽岳陽路水大難行遂入沌行
沌中最空曠處名百里荒盜區也 紀要大江在岳州

府城西北十五里自荊州府石首縣境東流逕城陵磯
下合洞庭諸水入臨湘縣界又東北入武昌府界其迴
合之處曰荊江口亦曰西江口亦曰三江口三江者岷
江爲西江澧江爲中江湘江爲南江也三江俱在府城
下又魯洑江在荊州府監利縣東南三十里大江分流
東爲魯洑江相傳以魯肅屯兵於此而名又東北入沔
陽州境謂之長夏河又沌水在漢陽府南四十里有沌
口吳船錄自荊州石首縣舟行一百七十里至魯家洑
自魯家洑入沌沌者江旁支流如海之渾兩岸皆蘆荻

支湛皆通小湖故爲盜區客舟非結伴不行欽韓按其
途經沔陽州之長夏河達漢口過武昌故集無過岳州
之作蓋自桂林入川從川出楚皆未過岳陽樓大是缺
陷也

鄂州南樓 按南樓在武昌府武昌縣城南今之譙樓也
自唐宋以來鄂州皆治此

題黃州臨臯亭 名勝志臨臯館在黃州府朝宗門外

江州庾樓夜宴 名勝志九江府治後百餘步有庾公樓
東林寺原注李成焚劫南北山獨不毀二林 名勝志廬

山繙經臺南下三里卽東林寺輿地紀勝云晉武帝太
和和當元十年始建東林寺 李成紹興年大盜岳忠武
所討平者

過虎溪 名勝志虎溪在東林寺前上有三笑亭遠公送
客不過此溪過則虎輒鳴吼他日送陶淵明陸修靜不
覺過溪虎忽作聲三人愕然大笑而別

湖口望大孤 名勝志彭蠡湖在九江府德化縣東南周
迴百五十里湖心有大孤山以別都昌之界四面洪濤
大孤屹然獨聳又湖口縣在府城東六十里彭蠡湖口

彭浪磯阻風

紀要彭浪磯在彭澤縣北聳立江濱與小

孤山相對俗訛爲彭郎遂有小姑嫁彭郎之語

濁浪欲碎小孤山

一統志小孤山在九江府彭澤縣北

五里高三十丈周迴一里孤峰聳峭屹立江中

馬當洑阻風

馬當山在九江府彭澤縣東北四十里其

形象馬橫枕大江迴風撼浪舟航艱阻山腹在江中有
洞甚深山際有馬當廟唐王勃過其下遇神人助以順
風一夕而至洪都

佛池口大風復泊

在池州府東流縣界

長風沙 紀要長風沙在安慶府東五十里亦曰長風夾

江南通志長風港在府東北四十里引蓮湖槐湖之水
下入於江亦名長風沙今有長風渡自此渡江達池州
九月八日泊池口 紀要池口河在池州府城西五里一
名杜塢河達大江亦謂之貴口江南通志其源五一出
石埭一出涇溪一出石嶺一出東源匯於秋浦由杜塢
入池口達於江

池州九日用杜牧之齊山韵 齊山在池州府城南三里
有十餘峰勢皆齊峙故名

離池陽十里清溪口復阻風 紀要清溪河在池州府城

東達江亦曰清溪口

梅根夾 紀要梅根河在池州府東四十五里北達大江
亦曰梅根港港東五里卽梅根監厯代鑄錢之所

宿長蘆寺方丈 紀要長蘆河在揚州府儀徵縣西四十
里寺在長蘆河西張舜民柳行錄長蘆崇福院乃章獻
太后爲眞宗所營制度宏麗甲冠江淮按邵伯溫聞見
錄章獻明肅太后成都人少隨父下峽至玉泉寺有長
老善相人謂其父曰君貴人也及見后大驚曰君之貴

以此女也遠方不足盡游京師贈以中金百兩至京師
遂正位宮闈仁宗卽位以皇太后垂簾聽政玉泉長老
已居長蘆矣后屢召不至遣使就問所須曰玉泉無僧
堂長蘆無山門后以本閣服用物下兩寺以建長蘆寺
臨江起水中旣成輒爲蛟所壞后必欲起之用生鐵數
萬斤疊其下門乃成

將至吳中親舊多來相迓感懷有作

不宜更說桑榆晚 晚字誤宋詩鈔作暖字是據言薛令
之聞中長溪人累遷左庶子官僚清淡以詩自悼曰朝

旭口團欒照見先生盤盤中何所有苜蓿長闌干云云
上因幸東宮覽之索筆判曰啄木觜距長鳳皇毛羽短
若嫌松桂寒任逐桑榆暖令之因此謝病東歸

卷二十

送同年萬元亨知階州 階州今甘肅直隸州在秦州西
南三百五十里

次韵同年楊廷秀使君寄題石湖 楊萬里字廷秀誠齋
荆溪集寄題石湖先生范至能石湖精舍二首
次韵同年楊使君回自毘陵同泛石湖舟中見贈 誠齋

西歸集原題云從至能參政游石湖精舍坐間走筆
人家夾岸看 周輝清波雜志東坡自海外歸毘陵病暑
著小冠披半臂坐船中夾運河千萬人隨觀之坡顧坐
客曰莫看殺我否詩起語正用東坡事

晚歸石湖

年來新著惰游冠 禮記玉藻垂綬五寸惰游之士也然
彼惰游乃謂罷民非倦游意也

北山堂開爐夜坐

懶從掌上看菴摩 楞嚴經阿那律陀言我不因眼觀見

十方精真洞龍如觀掌果又云阿那律見闍浮提如觀掌中菴摩羅果

元無祕密可伽陀 周利槃特伽聞法出家憶持如來一句伽陀

冬至晚起枕上有懷晉陵楊使君 卽楊誠齋

戲贈腳婆 山谷內集戲詠煖足餅云小姬煖足卧或能起心兵千錢買腳婆夜夜睡天明腳婆之名蓋始於彼任淵注俗以煖足餅爲鐵婆

尺三汗腳君休笑 據言顧雲大順中制同羊昭業等十

人修史高逢休諫議致書於劉子長僕射曰羊昭業等
擬將一尺三寸汗腳踏他燒殘龍尾道懿宗雖薄德不
任被前件人羅織

次韵章秀才北城新圃

風月欲無價聊費四萬錢 六一集滄浪亭詩清風明月
本無價可惜祇賣四萬錢

卷二十一

初赴明州 今甯波府明洪武初改今名

新荔支四絕

趙泊飛來不作難 按東坡集作舶趙此誤也

東門外觀刈熟民間租米船相銜入門喜作二絕

菊莎杞棘豐無煙 笠澤叢書杞菊賦爾杞未棘爾菊未

莎

楊少監 少監卽誠齋

羔羊齋小池兩涘木芙蓉盛開有懷故園

寒窘令人瘦 此用魏志賈逵事

三江亭觀雪 名勝志三江亭在甯波府城東門北宋天

禧中郡守李夷庚嘗寓於此後守潘良貴建亭考三江

之名曰鄞江在城東北二卽甬江也南接奉化江西接
慈溪江同會於定海之大峽東入於海

懷歸寄題小艇

歲晚角巾思芋栗 芋栗卽阜斗也誤作芋杜工部集錦
里先生烏角巾園收芋栗未全貧亦誤作芋不知芋栗
字本出莊子也

立春日陪魏丞相登三江亭 宋史魏杞傳字南夫紹興
十二年登進士第遷宗正少卿湯思退建和議命杞爲
金通問使及還遷給事同知樞密院事進參知政事左

僕射兼樞密使以冬雷免後以端明殿學士奉祠告老
太白天寒猶帶雪 方輿紀要太白山在府東六十里名
勝志甯波府城東太白山最高四時積雪不消故名亦
謂之南太白宋理宗書太白山賜僧云

十洲地煖已浮醅 輿地紀勝西湖在州南湖中有汀洲
島嶼凡十曰柳汀雪汀芳草洲芙蓉洲菊花洲月島松
島花嶼竹嶼煙嶼四時之景不同而士女游賞特盛於
春夏飛蓋成陰畫船漾影無虛日也

育王方丈 紀要阿育王山府東四十五里志云此爲鄮

山晉太康中改今名

鰻井 輿地紀勝鰻井在阿育王山謂之聖井中有二大鰻旱暵祈禱有應乃護塔神也名勝志靈濟泉在奉化縣西南昔有牧童澣衣於泉得巨鰻持歸爓而爲九良久失去往泉所視之鰻成九節復游泉中每旱致禱得此鰻則雨立至宋宣和中立碑紀其異

自育王過天童松林三十里 紀要太白山又東六里有天童山高秀與太白相埒

香山 名勝志大蓬山在慈谿縣東北三十里又有香山

記云巖谷流香卽大蓬之支也紀要云西南去定海縣
百里

抖擻軒裳一閨塵 公羊傳疏作斗藪此抖擻亦俗用

卷二十二

送江朝宗歸括蒼 括蒼今處州府名勝志大括山卽郡
東七里之少微山也國初劉基以少微山爲括蒼洞天
云

鍾山閣上望雨 此江甯府之鍾山也以下詩皆在金陵
作建康志蔣山在城北十五里景定建康志淳熙八年

四月十三日端明殿學士范成大知府事十年八月成大除資政殿學士提舉臨安府洞霄宮

坐嘯齋書懷原注時方治賑濟建康志成大開府金陵適歲旱招徠商賈捐閣夏稅請於上得軍儲二十萬石振飢民苗額十七萬斛是年蠲三之二而五邑受粟摠四萬五千四百餘戶無流徙者

寶公祈雨感應用陳申公韵賦詩爲謝寶公寶誌也建康志塔在蔣山梁武帝天監十三年以定林寺前岡獨龍阜葬誌公永定公主以湯沐之資造浮圖五級於其

上

重九賞心亭登高 明統志賞心亭在城上西南下臨秦淮盡觀覽之勝宋丁謂建嘗以真宗所賜袁安卧雪圖張於屏

寄題王仲顯讀書樓

昨夢繞閤阜 紀要閤阜山在臨江府東之十里山形如閤色如阜相傳爲神仙之府道書以爲第三十三福地

蕭灘富還往 蕭水在府西五里中有蕭灘

北門覆舟山道中 覆舟山在府東北太平門內舊志在

府北七里東口鍾山北口元武關

玉麟堂會諸司觀牡丹酴醾三絕 明統志玉麟堂在舊

府治宋建取留守玉麟符之義建康志玉麟堂在府治
紹興十五年晁公謙之建錢唐吳說書扁

次韵曾仲躬侍郎同登伏龜樓二絕 建康志伏龜樓在

府城上東南隅宋詩紀事曾逮字仲躬幾季子終敷文
閣待制有習庵集

題李雲叟畫軸兼寄江安楊簡卿明府二絕 江安四川

瀘州之江安縣也

有感今昔二首

爛奚輕薄人何敢 舊五代史康福傳福擢自小校暴爲
貴人在天水日嘗有疾幕客謁問福擁衾而坐客有退
者謂同列曰錦衾爛兮福聞之遽召言者怒視曰吾雖
生於塞下乃唐人也何得以爲爛奚因叱出之

伏獵荒唐自不知 舊唐書嚴挺之傳李林甫引蕭炅爲
戶部侍郎炅早從宦無學術不識伏臘之意誤讀伏獵
挺之白張九齡曰省中豈有伏獵侍郎由是出爲岐州
刺史

香山寧是幸災人 謂甘露之禍宰相王涯等俱族誅白
樂天有詩曰當君白首同歸日是我青山獨往時

范石湖詩集注卷中終